

ՈՐՈՇՈՒՄ

Արգելադրված գույքը հարկադիր էլեկտրոնային աճուրդով իրացնելու մասին

18 հուլիս 2018թ.

ք. Վանաձոր

Հարկադիր կատարումն ապահովող ծառայության Լոռու մարզային բաժնի հարկադիր կատարող արդարադատության ավագ լեյտենանտ Վահան Ասլոյանս ուսումնասիրելով 23.04.2018թ-ին վերսկսած թիվ 02843487 կատարողական վարույթների նյութերը՝

ՊԱՐԶԵՑԻ

ՀՀ Լոռու մարզի ընդհանուր իրավասության դատարանի կողմից 29.11.2016թ-ին տրված թիվ ԼԴ4/1189/02/16 կատարողական թերթի համաձայն՝ պետք է Կարեն Արթուրի Քամայանից հոգուտ «ՎՏԲ-Հայաստան բանկ» փակ բաժնետիրական ընկերության բռնագանձել 87,903 դրամ, որից 71,000 դրամը՝ որպես վարկի գումար (որից վարկի ժամկետանց գումար 71,000 դրամ), 4,061.60 դրամը՝ որպես վարկի դիմաց հաշվարկված տոկոս (որից վարկի ժամկետանց տոկոս 4,061.60 դրամ), 530 դրամը՝ որպես ժամկետանց տոկոսի դիմաց հաշվարկված տույժ, 9,265.50 դրամը՝ որպես ժամկետանց գումարի դիմաց հաշվարկված տույժ, 3,045.90 դրամը՝ որպես վարկերի սպասարկման հաշիվներ:

Սկսած 2016 թվականի մայիսի 10-ից, մինչև վարկի փաստացի մարումը, ժամկետանց վարկի գումարի՝ 71,000 դրամի և ժամկետանց տոկոսի՝ 4,061.60 դրամ գումարի նկատմամբ հաշվարկել 0,09 տոկոսի չափով տույժ՝ (յուրաքանչյուր ուշացած օրվա համար) և այն Կարեն Արթուրի Քամայանից բռնագանձել հոգուտ «ՎՏԲ-Հայաստան բանկ» փակ բաժնետիրական ընկերության:

Կարեն Արթուրի Քամայանից հոգուտ «ՎՏԲ-Հայաստան բանկ» փակ բաժնետիրական ընկերության բռնագանձել նաև 1,758.10 դրամ՝ որպես Հայցվորի կողմից նախապես վճարված պետական տուրքի գումար:

Պարտապանից պետք է բռնագանձել նաև բռնագանձման ենթակա գումարի 5%-ը՝ որպես կատարողական գործողությունների կատարման ծախս:

Կատարողական գործողությունների կատարման ընթացքում, արգելանք է կիրառվել գրավի առակա հանդիսացող ոսկյա զարդերի վրա:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով՝

ՈՐՈՇԵՑԻ

Պարտապան Կարեն Արթուրի Քամայանին պատկանող, «ՎՏԲ-Հայաստան բանկ» ՓԲԸ-ում գրավի առարկա հանդիսացող ներքոնշյալ ոսկյա զարդերը

h/h	լուծի անվանումը նկարագիրը	գնահատման գինը	մեկնարկային գինը	գույքի քանակը
1	Ոսկյա խաչ, 583 հարգի, կշիռը 1.7 գրամ	19.890 ՀՀ դրամ	14.917,5 ՀՀ դրամ	մեկ հատ
2	ոսկյա շղթա, 583 հարգի, կշիռը 5.3 գրամ	62.010 ՀՀ դրամ	46.507,5 ՀՀ դրամ	մեկ հատ

ներկայացնել հարկադիր էլեկտրոնային աճուրդի, աճուրդի էլեկտրոնային համակարգ կիրառմամբ՝ Հարկադիր կատարումն ապահովող ծառայության աճուրդի էլեկտրոնային կայքը՝ harkadir.achurd.am կամ WWW.ajurd.am միջոցով:

Հարկադիր էլեկտրոնային աճուրդի սկիզբ է սահմանվում «06» սեպտեմբեր 2018թ

Որոշման պատճեն ուղարկել կողմերին:

Որոշումը կարող է բողոքարկվել վարչական դատարան կամ վերադատության կարգով որոշումը ստանալու օրվանից տասնօրյա ժամկետում:

«Դատական ակտերի հարկադիր կատարման մասին» ՀՀ օրենքի 28-րդ հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

ԾԱՆՈԹՈՒԹՅՈՒՆ Յուրաքանչյուր լուտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում զետեղվում է կրկնակի հարկադիր էլեկտրոնային աճուրդի դրված լուտի մասին ծանուցումը:

Եթե աճուրդը չի կայացել գնորդ չլինելու կամ լուտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լուտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լուտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լուտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լուտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լուտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լուտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ դատական ակտերի հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լուտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լուտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

Հարկադիր կատարող՝

արդարադատության լեյտենանտ



Վ. Ասլոյան